



Aqqalu C. Jerimiassen
Atassut

UPA 2024/59
7. maj 2024

Filmiliortut isiginnaartitsisartullu nunatsinneersut nunarsuatta sinnerani filmiliaminnik filmilianiluunniit peqataaffigisaminnik takutitsisoqassatillugu peqataanissamut qanoq tapersersorneqarsinnaanerata pillugu apeqquteqaat aallaavigalugu oqallisissiaq.

(Inatsisartunut Ilaasortaq Peter Olsen, Inuit Ataqtigiit)

Timersortartut unammiartoraangata ilaanarujussuaq værsgo takanna tamassi angalaniaritsi. Allaat nunatta karsiata akiligaanik, innuttaasut akileraartartut akiligaannik Naalakkersuisorpassuit peqataasarlutik.

Nunatsinnili filmiliaq Hollywoodimi Oscarimut innersuunneqarmat naak Naalakkersuisut? Peqaraluang. Ersarilluinnarpoq nunatsinni politikkerit suna pingaartinneruneraat. Inuuteq Storch Venedig-mi kungeqarfik sinnerlugu saqqummersitsimmat naak Naalakkersuisut? Peqaraluang. Timersortuusimappata aamakorsuullutik ilaanarlutik tikerarsimasussat.

Ersarilluinnarporlu politikkerit eqqumiitsuliorneq sunngiffimmi suliaasaannartut isigigaat. Tassa taannaavoq allangortitassarput. Alloriarnerlu siulleg tassaaqunarpog tapiissutitut tunngasortaani inatsisitigut aqqitassat.

Malunnarporlu ukiuni kingullerni kalaallit filmiliaat siuariartortut, ajoraluartumilli aamma angalanissamut taperneqarsinnaaneq periarfissaanani. Taamaammata Siunnersuuteqartup konto innersuussaa Atassummiit ammaffigaarput.

Minnerunngitsumillu kalaallit nunani allani isiginnaagassiani peqataallattaalernerat assorsuaq tulluusimaarutigearput, pikkoreqaasi. Assersuutigiinnarlugumi True Detective kalaalerpaalunnik inuttaaffilik nunarsuaq tamakkerlugu 12,7 miliuuniniit isiginnaarneqarsimavoq. Sapinngisamillu aamma nersornaasiinernut allanullu saqqummersitsinernut peqataanissamut taperneqarsinnaalernissarsi maanngaanniit tamakkiisumik taperserparput.

Peter P. Olsen, qularinngilarput arlaanni una aalajangiiffigisassatut siunnersuutigiumaarit. Taamanikkussamullu ajortussarsiinnarata taperserluarumaarpatsigit.